

.li. OMELIA . IN NATIUITATE SANCTE MARIAE .

INquirendum est fratres karissimi et explanandum per ordinem . de
origine generis mariae . et natiuitatis eius solemnitate .

Quidam uir nobis fuit in tribu iuda ioachim nomine
ex genere dauid honorabilis ualde . in .xii. tribus israel .

Diues quippe erat et ideo offerebat frequenter munera
duplicia dicens in semetipso . Erit quod superhabundat
mihi dandum omni plebi et propitius ero . Appropin
quauit autem magnus dies festus domini secundum legem ecos
forebant filii israhel munera sua . Ioachim autem
prior obtulit sed restituit et ruben sacerdos dicens .

Non licet tibi offerre munera in templo dei quoniam non
suscitasti semen israel . Et contristatus ualde . abiit intra
/120r/ semetipsum dicens . Meditabor ergo ut sciam si ego solus
non suscitauit semen israel . et remoratus est patriarchae abra
-hę quoniam in nouissimo tempore dedit ei dominus filium isaac
nomine ex sarra sterili . dehinc non intrant ioachim
ad uxorem suam . sed contulit se in desertum . et fixit
filii tabernaculum in montem et fuit ibi .xl. diebus et .xl.

noctibus dicens intra se . Non discedam hinc neque ad bi
bendum donec uisitet me domine deus meus . Uxor autem eius
anna nomine . lamentabatur dicens . Lugens lugebo
induitatem meam . Humiliauit enim me nimis dominus meus .

Appropinquantem autem die festo pasche . ancilla sua dixit
ei Quare humilias animam tuam . noli lugere sed indue
te uestimenta tua regalia ; et ad diem festum propera
ornata et leta . Anna uero dixit ei . Recede recede .
quare conturbas me? Et dixit ei ancilla . Quid ampli
us possum tibi dicere? Deus enim conclusit uuluam tuam .

ut non dares semen israel . Pro hac autem uoce deposuit
uestimenta lugubria . et lauit caput suum . et induit se
regalia . et descendit in ortum suum circa horam nonam .
et sedit sub arbore laurea . et orauit ibi dicens . Deus pa-
trum meorum . aufer opprobrium meum . et exaudi precem
meam sicut exaudisti sarram . et dedisti ei filium . Et dum hæc
precaretur . uidit nidum passeris supra se in arbore . et
adiecit lamentationem dicens . Domine . cui assimilabor
non sum enim similis auibus cęli . quia pullos habent .
nec bestiis terrae . quia generant nec aquis . quia pro-
ducunt ex se pisces . neque huic terrae quia producit
ex se fructus secundum tempus . et de donis tuis benedicunt
/120v/ te omnia . [iii.] Et cum haec miserabiliter dixisset . ecce angelus
domini adstitit iuxta illam dicens . Anna ; Exaudiuit dominus
deus orationem tuam . Concipies enim et paries . et audietur
nomen tuum in uniuersa terra . Et dixit anna . Uiuuit dominus
deus meus si genuero siue masculum siue feminam . offeram illud
munus domino meo . et seruiet domino deo omnibus diebus uite sue .
Et ecce iterum angelus domini descendit ad ioachim dicens .
Exaudiuit dominus preces tuas . descende hinc . Ecce anna ux-
or tua concipiet et pariet tibi . Descendit ergo ioachim
gaudens . et arcessiuit pastores suos dicens eis . Cito ad-
ferre mihi .xii. oues immaculatas . et .xii. uitulos sagi-
natos . et erunt munus sacerdotibus habitantibus in tem-
plo dei . Et iterum uocauit principes pastorum dicens eis .
Adducite mihi uitulum primitiuum immaculatum . et erit in
oblationem deo altissimo . Et ecce adduxerunt pastores per
mixtos greges ad iacim dominum suum . et ipse exultans in domino
ueniebat cum gregibus suis . Et annuntiatum est annae .
quo ioachim ueniebat cum gregibus suis . processit de domo .
et stetit ante ianuas . et uidit uirum suum uenientem .

Et ipsa repleta gaudio cito uenit ad eum . et complectens eum dixit . Nunc scio domine quia benedixit me deus meus . et abstulit a me . inproperium hominum . Et dixit ioachim . Gratias altissimo . et requieuit die primo in domu sua . Postero autem die sumens munera . processit ad templum domini . et obtulit ibi . et respexit ad sacerdotem . et sacerdos ascendit ad altare domini . Et cum non inuenisset in eum delictum nuntiavit ei . Et dixit ioachim . Nunc scio uere quia indulget mihi dominus omnia peccata mea . et descendit de templo /121r/ domini iustificatus . et abiens in domum . cognouitque uxorem suam . Completo autem mense septimo conceptionis . peperit anna . et interrogauit obstetricem dicens . Quid peperisti? et dixit ei . feminam genuisti . Et dixit anna . Gratias ago deo altissimo . quia abstulit a me ignominiam et opprobrium hominum . Cum autem consummassent .vii. dies a natiuitate eius . inuitauit ioachim omnes sacerdotes et multitudinem puellarum . et dixit coram eis . Tu domine qui neminem despicias sed audis gemitum humilium et depressorum . da huic puelle nomen in isto die . Et cum hoc dixisset . accesserunt sacerdotes ad epulationem in domum eius . Et edentibus illis . audita est subito uox desuper dicens . Maria erit nomen eius . Et honorificatum est nomen huius puellę ab altissimo deo . et ammirati sunt uniuersi . et dixerunt fiat fiat . Et obtulit eam pater sacerdotibus . et benedixerunt illam dicentes . Deus abraham ; Deus isaac ; Deus iacob ; benedic istam puellam . et da illi nomen in aeternum . in omnes generationes . et respondit omnis populus amen . Et iterum completo primo anno natiuitatis eius . inuitauit ioachim omnes sacerdotes et principes sacerdotum et scribas et seniores populi et uniuersum coetum filiorum israel . ad celebran-

dum diem natiuitatis eius . et obtulit eam sacerdotibus
et principibus sacerdotum . et benedixerunt eam di
centes . Deus excelse . respice super puellam istam . et da
ei benedictionem tuam . ut sit sancta et immaculata in con
spectu tuo hic et in futuro seculo . et responderunt di
centes amen . Anna autem ministrabat gloriose sacer
/121v/-dotibus . et omni populo israel . Maria autem crescebat coti
die et conualescebat domino uolente . Et dixit ioachim ad
annam . Deducamus puellam . illam in templum domini . et red
damus promissum nostrum quod promisimus deo ; Ne forte
indignetur ~~deus~~ nobis deus . et non sit acceptum munus
nostrum . Et dixit anna . Sustineamus adhuc annum ut sit
trina . ne forte inquirat patrem aut matrem . et sic con
stituamus eam postea in templum . Et dixit ioachim . Sic
fiat . et completo tertio anno . detulerunt eam in templum
domini . et susceperunt sacerdotes eam de manibus eorum .
et osculabantur eam dicentes . Benedixit te domine deus
omnipotens . et magnificauit nomen tuum in uniuersis nati
onibus . per te enim notum faciet saluatorem mundi uniuers
se plebi . Et statim discesserunt parentes eius ab ea .
mirantes et gratias agentes . et dominum benedicentes . quia
post se regredi nolebat . sed mitis sedebat in templum
domini sicut columba . accipiens frequenter escam de
manu angeli . sicut scriptum est . Panem angelorum man
ducauit Homo . Et diligebant eam omnes filii israhel sicut
propriam filiam . pro constantia et mansuetudine et
pulchritudine eius dicentes . Quę est ista que proces
sit sicut sol . et formosa tamquam hierusalem? uiderunt eam
filię sion et beatam dixerunt . et reginę laudauerunt
eam . Conuenire ergo et nos hodie debemus fratres karissimi .
ad sollempnitatem hodiernę natiuitatis beatę marię

perpetuę uirginis et genitricis dei . de qua processit dominus
dominorum . et rex angelorum . sicut de illa scriptum est .
Natiuitas tua dei genitrix uirgo . gaudium annuntiauit
/122r/ uniuerso mundo . Ex te enim ortus est sol iustitię christus deus noster .
qui soluens a nobis maledictionem euae . per te dedit benedic
tionem uitę . et confusa morte donauit nobis uitam per
petuam . Deuotissime ergo cęlebrare debemus fratres karissimi .
natiuitatem felicissimę marię . et congaudere omnes in domino
diem festum cęlebrantes sub honore natiuitatis eius ; per quam
salus mundi credentibus apparuit . ut ipsa interceden
te pro nobis semper ad dominum iesum christum . mereamur et nos
et omnes populi christiani possidere gaudia sempiterna .
Prestante eodem domino nostro iesu christo . qui cum patre et spiritu
sancto uiuit et regnat per infinita secula seculorum . AMEN .